

嘉靖安溪縣志

天一閣藏明代方志選刊

安溪縣志

安溪縣志書序

志曷以志王政也史是也盛
周時內史掌四方志周微矣
人猶知所尊信固史在焉漢
唐而下王會三輔有圖方輿
寰宇有志迨

皇明大一統志始備焉安溪小
邑也曹滕邾莒則又小矣史
固不可以小而廢之也安溪
縣治自南唐保大十三年建
置歷今六百餘年厥土惟沃
掌地成田王梅溪謂民淳事

簡易治之地也嘉靖戊子蕭

山黃君懌知縣事卓有廉能

聲爲百城表嘆曰志闕風化

安溪獨缺非司百里者之責

乎次年己丑辱承憲副方公

豪請脩安邑志余素蒙雅愛

劫辭不獲買舟渡仙溪至安
之東嶽宮而事事焉稽舊志
詢故老又庾公于學校窮搜
博采畢勦潁泓竟兩閱月而
成首地輿次官制學校人物
公署祀典文章雜志又次之

總其綱分其目已入梓矣辛
亥夏四月又承都憲前參政
王公璣有纂續前志之役倦
倦焉顧阿陽老矣蓐食間歆
授簡則不勝竦息欲避席似
有孤王公至意姑從命未幾

時方置校抗旌備武禦寇月
餘汪侯瑀請命太守方公克
公曰今還兵已稅介元元得
安堵處業矣况志閑風化不
可湮落俾文獻無徵汪侯迺
咨度邑庠典教李君鑰以庠

生吳子主恕不遠數百里敦
請彌篤可謂知所重而深達
治體者矣自顧選與迂死遜
遠惟艱延至壬子季夏始得
庠生蔡子志孝吳子主恕持
其條旅申集自己丑以後志

中事蹟燦然備具余屬意展
閱參校緒正移事屬類編入
于各款目之下政務之損益
人物宦業之臧否悉該載無
遺焉後之有民社者講求其
故轉移樞宰產其地者嚮往

前脩力求嗣響固大有機焉
者昔司馬文正公集古今治
亂成敗之跡以資天下後世
之治抑斯志也其亦郡邑資
治之鑑與輒志荒陋詮次成
書若綜理規措通行翻刻則

又廉能邑長汪侯瑀力也余
蒙成而已耳僭書于簡首式
昭厥後

嘉靖壬子冬十二月

賜致仕中憲大夫貴州提刑按
察司副使奉

勅整飭威清等處兵備前南京
四川道監察御史八十九翁
莆田寒谷林有年書

安溪縣境圖

東北抵南安縣界

東抵南安縣界

東南抵南安縣界

北抵永





